

Broj: 01-134/22

Datum: 16.03.2022. godine

### ZAPISNIK

Sa 2. redovne sjednice Školskog odbora, održane dana 15.03.2022. godine u 18:00 sati u prostorijama škole.

Prisutni članovi: Džanela Malkić – predstavnik Ministarstva, Indira Uzunović – predstavnik radnika, Nusret Aganović – predstavnik Općine Novo Sarajevo, Samra Prašović predstavnik roditelja/staratelja.

Ostali prisutni: Nermina Planinčić, direktorica škole, Đonlić Azra – sekretarka škole, i Adnan Mehmedbašić, direktor Vortt d.o.o.

Sekretarka škole je dostavila članovima Školskog odbora materijal za sjednicu, pravovremeno, elektronskim putem.

Predsjednica je konstatovala da sjednici prisustvuju svi članovi školskog odbora te da ima kvorum za punovažno donošenje odluka i zaključaka.

Predsjednica je predložila sljedeći dnevni red:

#### DNEVNI RED:

1. Usvajanje zapisnika sa konstituirajuće i prve (1) redovne sjednice Školskog odbora;
2. Razmatranje i usvajanje izvještaja o popisu sredstava za 2021. godinu (izvjestilac-Vortt);
3. Razmatranje i usvajanje godišnjeg obračuna za 2021. godinu (izvjestilac Vortt);
4. Informacija o usvojenom budžetu za 2022. godinu (izvjestilac Vortt);
5. Razmatranje i usvajanje Plana nabavki za 2022. godinu (izvjestilac Vortt);
6. Donošenje Odluke o imenovanju Komisije za zbrinjavanje radnika ustanove za čijim radom je potpuno ili djelimično prestala potreba u ustanovi
7. Donošenje Odluke o imenovanju Komisije za procjenu štete učenjene od učenika
8. Donošenje Odluke o imenovanju Disciplinske komisije za radnike
9. Tekuća pitanja
  - a) Informacija o broju upisanih prvačića za školsku 2022/23. godinu u prvom zakonskom februarskom roku

Dnevi red je jednoglasno usvojen.

#### **AD- 1 Usvajanje zapisnika sa konstituirajuće i prve (1) redovne sjednice Školskog odbora;**

Predsjednica je dala na izjašnjavanje članovima školskog odbora na Zapisnik konstituirajuće i na Zapisnik 1. redovne sjednice školskog odbora. Članovi Školskog odbora se izjašnjavaju da nemaju primjedbi, sugestija i dopuna na Zapisnik sa konstituirajuće i 1. redovne sjednice Školskog odbora.

Nakon glasanja konstatuje se da je zapisnik sa konstituirajuće i 1. redovne sjednice Školskog odbora jednoglasno usvojen od strane svih članova Školskog odbora.

#### **AD-2 Razmatranje i usvajanje izvještaja o popisu sredstava za 2021. godinu (izvjestilac-Vortt);**

A.

Predsjednica školskog odbora je dala riječ direktoru računovodstvene agencije Vortt d.o.o. za tačku dnevnog reda Razmatranje i usvajanje izvještaja o popisu sredstava za 2021. godinu (izvjestilac-Vortt);

U uvodnom izlaganju, direktor računovodstvene agencije Vortt d.o.o. upoznao je članove Školskog odbora da je na osnovu Zakona o budžetima u Federaciji Bosni i Herecegovini i Uputstvu Ministarstva finansija o radu popisnih komisija i obavljanju popisa sredstava, potraživanja i obaveza za 2021. godinu škola je dužna da uradi popis barem jednom godišnje. Komisija za popis je imenovana po Rj.Odluci br. 947/21 od 02.12.2021. godine. Popis obuhvata stalna sredstva, sitan inventar, potraživanja, novčana sredstva i obaveze. Komisija u svom radu nije imala poteškoća jer su sve pripremne radnje blagovremeno i kvalitetno urađene. Popisna komisija je konstatovala da nema inventurnih razlika. Komisija je predložila određenu opremu za rashod zbog svoje dotrajalosti i nefunkcionalnosti ukupne sadašnje vrijednosti 421,20 KM i rashod sitnog inventara u vrijednosti 0,00 KM . Rashod je predložen Centralnoj popisnoj komisiji, a potom i usvojen na Vanrednoj sjednici Vlade Kantona Sarajevo. Škola je dužna da u roku od 30 dana od dana donošenja ovog zaključka rashodovana sredstva ustupi ili uništi. Na upit predsjedavajuće ko procjenjuje vrijednost otpisanih sredstava, gđin. Adnan Mehmedbašić odgovara, da po računovodstvenim standardima, shodno zakonski usvojenoj nomenklaturi svaka pojedinačna stvar se godišnje amortizuje, međutim ako neka stvar ima sadašnju računovodstvenu vrijednost nula (0) , to ne znači da ta stvar zaista nema vrijednost. S tim u vezi Centralna popisna komisija zahtijeva kada se neka stvar rashoduje, da servis izda potvrdu da je ta stvar do te mjere neupotrebljiva, u smislu da nije racionalno popravljati istu.

Gđa Samra Prašović sugerira da se ubuduće materijal o rashodu imovine/stvari/sredstava priprema na način da se uz odluku priloži propratni akt sa detaljnijim objašnjenjima koja se sredstva/stvari konkretno rashoduju.

Sva plaćanja škole se obavljaju preko jedinstvenog računa Trezora. Blagajna je uredno opravdana do 15.12.2021. godine.

Nakon razmatranja, članovi Školskog odbora jednoglasno usvajaju Izvještaj o popisu sredstava za 2021. godinu i donose Odluku o rashodu stalnih sredstava sitnog inventara za 2021. godinu

Na osnovu člana 25,26 i 27 Zakona o računovodstvu («Službene novine Federacije BiH», broj 83/09 ) i člana 103. Pravila JU „ OŠ HRASNO “, Školski odbor JU „OŠ HRASNO“ na sjednici održanoj dana 15.03.2022. godine, d o n o s i

## O D L U K U O RASHODU STALNIH SREDSTAVA I SITNOG INVENTARA ZA 2021.GOD.

### I

Prihvata se prijedlog inventurne komisije o rashodu stalnih sredstava i sitnog inventara kako slijedi:

**A: STALNA SREDSTVA: PRILOG LISTA**

Nabavna vrijednost	Ispravka vrijednosti	Sadašnja vrijednost
3.369,23	2.948,00	421,23

#### B: SITAN INVENTAR: PRILOG LISTA

Nabavna vrijednost	Ispravka vrijednosti	Sadašnja vrijednost
0,00	0,00	0,00

#### II

**Cijeneći ispravnost određene opreme i sitnog inventara, inventurna komisija je, prema prijedlogu iz ove odluke predložila Školskom odboru da se rashoduje navedena oprema i sitan inventar zbog dotrajalosti i neispravnosti.**

#### III

Ova odluka stupa na snagu danom njenog donošenja.

#### AD-3 Razmatranje i usvajanje godišnjeg obračuna za 2021. godinu (izvjestilac Vortt);

Predsjednica školskog odbora je dala riječ direktoru računovodstvene agencije Vortt d.o.o. za tačku dnevnog reda Razmatranje i usvajanje godišnjeg obračuna za 2021. godinu (izvjestilac Vortt);

U uvodnom izlaganju, direktor računovodstvene agencije Vortt d.o.o. upoznao je članove Školskog odbora da je na osnovu Zakona o Budžetima u FBiH (Službene novine FBiH" broj: 102/13, 9/14, 13/14, 8/15, 91/15, 102/15, 104/16 / 5/18), Pravilnika o finansijskom izvještavanju i godišnjem obračunu Budžeta u FBiH ("Službene novine FBiH" broj: 69/14, 14/15 i 4/16) i Uredbe o računovodstvu Budžeta u FBiH ("Službene novine FBiH" broj: 34/14) Školski odbor je dužan da usvoji Odluku o usvajanju godišnjeg obračuna za 2021. godinu. Zakonska forma odluke nije predviđena. Ukupno odobreni budžet škole za 2021. godinu je iznosio **2.319.143,00 KM** (budžetska sredstva **2.212.452,00KM**, vlastiti prihodi **98.006,00 KM** i sredstva granta **8.685,00 KM**). Realizovani rashodi za 2021. godinu su **2.313.866,25 KM**. Razlika između prihoda i rashoda je **5.276,75 KM**. Ovaj podatak nam

govori da je izvršenje budžeta škole **99,77%**, što je na zavidnom nivou i za svaku pohvalu za direktoricu i upravu škole. Predlaže se članovima Školskog odbora da donesu odluku da se direktorica škole nagradi za izvanredne rezultate u skladu sa zakonom i mogućnostima škole.

Članovi Školskog odbora jednoglasno usvajaju Izvještaj godišnjeg obračuna za 2021. godinu

#### **AD-4 Informacija o usvojenom budžetu za 2022. godinu (izvjestilac Vortt);**

Budžet za 2022. godinu je usvojen na Skupštini Kantona Sarajevo održanoj 31.01.2022. godine, a objavljen u Službenim novinama KS 5/22 od 03.02.2022. Adnan Mehmedbašić informira članove Školskog odbora da je Škola imala određeni limit za planiranje Budžeta za 2022. godinu, što ne predstavlja realnu potrebu Škole

Ukupan odobreni budžet škole je **2.414.352,00 KM**, od čega budžetska sredstva iznose **2.261.652,00 KM** a vlastiti prihodi **152.700,00 KM**. U odnosu na prethodnu godinu, Budžet za 2022. godinu uvećan je na poziciji za plaće radnika. Nacrt budžeta rađen u julu 2021. godine. po instrukcijama Ministarstva finansija. Rađen na bazi iskustava iz predhodnih godina i budžetskog okvira od strane Ministarstva finansija. Preraspodjelu sredstava je moguće raditi 4 puta godišnje zavisno od potreba škole. Za sve neplanirane donacije i transfere škola će raditi zahtjev za uvećanje budžeta.

Najveći dio budžeta izdvaja se na pozicije plata, doprinosa i naknada.

Slijedeći navedeno, članovi Školskog odbora jednoglasno donose Odluku o usvajanju Budžeta Škole za 2022. godinu u iznosu od **2.414.352,00 KM**.

#### **AD -5 Razmatranje i usvajanje Plana nabavki za 2022. godinu (izvjestilac Vortt);**

Plan javnih nabavki za JU OSNOVNA ŠKOLA HRASNO rađen je na osnovu usvojenog finansijskog plana u iznosu **2.414.352,00 KM**. Sredstva iz Budžeta iznose **2.261.652,00 KM**, a vlastita sredstva iz prihoda korisnika iznose **152.700,00 KM**.

Plan javnih nabavki za 2022. godinu je rađen u okviru usvojenog budžeta za 2022. godinu i potrošnje škole prethodne godine. Prvi dio plana čine usluge oslobođene Zakona o javnim nabavkama, a drugi dio plana je podjeljen na robe, usluge i radove. Škola će u skladu sa potrebama provoditi postupke definisane Zakonom o javnim nabavkama. Plan je promjenjiva kategorija, može se mijenjati onoliko puta koliko se ukaže potreba. Sve neplanirane transfere i donacije će zahtijevati izmjenu plana. Škola je dužna da u roku od 60 dana od dana usvajanja budžeta objavi na svojoj službenoj stranici Plan javnih nabavki za 2022. godinu. Na upit predsjedavajuće, gđin Adnan Mehmedbašić odgovara da svaki račun koji je poslat na plaćanje ujedno i unesen na Portal javnih nabavkih.

Školski odbor jednoglasno usvaja Plan javnih nabavki za 2022. godinu

#### **AD – 6 Donošenje Odluke o imenovanju Komisije za zbrinjavanje radnika ustanove za čijim radom je potpuno ili djelimično prestala potreba u ustanove**

Članovi Školskog odbora na prijedlog sindikalne podružnice JU OŠ „HRASNO“ jednoglasno donose odluku o imenovanju Komisije za zbrinjavanje radnika ustanove za čijim radom je potpuno ili djelimično prestala potreba u ustanovi u sastavu: Amira Silajdžić, sindilani povjerenik podružnice JU OŠ „HRASNO“, Sead Mrzić – nastavnik matematike, i Lejla Zametica – bibliotekarka škole

*[Handwritten signature]*

*4.*

*[Handwritten initials]*

Na osnovu člana 94. Zakona o osnovnom odgoju i obrazovanju («Službene novine Kantona Sarajevo» broj: 23/17, 33/17, 30/19 i 34/20, 33/21), člana 103. Pravila JU OŠ "Hrasno", člana 10. Pravilnika sa kriterijima za proglašavanje radnika za čijim radom je potpuno ili djelimično prestala potreba u osnovnim i srednjim školama kao javnim ustanovama na području Kantona Sarajevo („Službene novine Kantona Sarajevo“ broj: 9/22), na prijedlog sindikalnog odbora sindikalne podružnice JU OŠ „Hrasno“, Školski odbor JU OŠ "Hrasno" na svojoj 2. redovnoj sjednici održanoj 15.03.2022. godine, donio je

## O D L U K U

**o imenovanju Komisije za zbrinjavanje radnika ustanove za čijim radom je potpuno ili djelimično prestala potreba u ustanovi**

### I

Imenuje se Komisija za zbrinjavanje radnika ustanove za čijim radom je potpuno ili djelimično prestala potreba u ustanovi JU Osnovne škole „Hrasno“ Sarajevo u sastavu:

1. Amira Silajdžić, povjerenik sindikalne podružnice,
2. Sead Mrzić, nastavnik predmetne nastave,
3. Lejla Zametica, bibliotekarka škole

### II

Zadatak Komisije je da u saradnji sa direktorom i stručnim službama škole izvršiti bodovanje radnika, izradi preliminarnu rang listu radnika i zbirnu listu radnika s nepunom normom/radnim vremenom koji su u radno – pravnom statusu na neodređeno vrijeme, razmotriti prigovore i izraditi konačnu bodovnu rang listu i isti proslijedi Školskom odboru na dalje psotupanje.

### III

Mandat Komisije traje 4 godine.

### IV

Ova odluka stupa na snagu danom donošenja.

**AD - 7 Donošenje Odluke o imenovanju Komisije za procjenu štete učinjene od učenika**

Članovi Školskog odbora na prijedlog nastavničkog vijeća jednoglasno donose odluku o imenovanju Komisije za procjenu štete učinjene od učenika u sastavu: Samra Feriz – pedagog škole, Jasmin Đedović – nastavnik tehničke kulture, i Remzo Hadžiahmetović – domar škole

Na osnovu člana 103. Pravila škole, a na prijedlog Nastavničkog vijeća Školski odbor je na drugoj redovnoj sjednici održanoj 15.03.2022. godine donio

## O D L U K U

Član 1.



5.



Formira se Komisija za procjenu štete učinjene od učenika u sastavu:

1. Samra Feriz, pedagog škole – predsjednica Komisije
2. Remzo Hadžiahmetović, član komisije za procjenu štete
3. Jasmin Đedović, član komisije za procjenu štete.

Član 2.

Dužnost Komisije je da utvrdi stvarnu materijalnu štetu i da odredi iznos nadoknade.

Član 3.

Mandat Komisije važi 1 godinu od dana imenovanja.

Član 4.

Zadatak Komisije je da izvrši uvid o stanju pokretne i nepokretne imovine škole.

Član 5.

Odluka stupa na snagu danom donošenja

**AD – 8 Donošenje Odluke o imenovanju Disciplinske komisije za radnike**

Članovi Školskog odbora na prijedlog nastavničkog vijeća jednoglasno donose odluku o imenovanju Disciplinske komisije za radnike u sljedećem sastavu: Oković Alma, nastavnica razredne nastave, Karšić Ćamil, nastavnik islamske vjeronauke, Suada Rahmanović, radnica na održavanju čistoće

Na osnovu člana 98. Kolektivnog ugovora za djelatnosti predškolskog odgoja i osnovnog odgoja i obrazovanja u Kantonu Sarajevo („Službene novine Kantona Sarajevo“ broj: 36/20, 49/20, 32/21), člana 95. Pravila o radu JU Osnovne škole „Hrasno“, Školski odbor JU Osnovne škole „Hrasno“ Sarajevo na prijedlog Nastavničkog vijeća na 2. (drugoj) redovnoj sjednici održanoj 15.03.2022. godine, donio je

**ODLUKU  
o imenovanju Disciplinske komisije za radnike**

I

Imenuje se Disciplinska komisija za radnike JU Osnovne škole „Hrasno“ Sarajevo, u sastavu:

1. Oković Alma, nastavnica razredne nastave
2. Karšić Ćamil, nastavnik vjeronauke
3. Suada Rahmanović, radnica na održavanju čistoće

II

Komisija odlučuje o prijedlogu u punom sastavu, s tim da odluke donosi većinom glasova. Disciplinska komisija obavezna je u roku od tri dana od dana prijema prijave od strane

direktora, dostaviti prijavu na odgovor radniku, te u daljem postupku izvesti dokaze o učinjenoj povredi radne dužnosti, na osnovu čega će donijeti prijedlog ili zaključak.

### III

Mandat Komisije je godinu dana od dana imenovanja.

### IV

Ova odluka stupa na snagu danom donošenja

#### **AD – 9 Tekuća pitanja**

- a) Direktorica škole informira članove Školskog odbora da je u prvom zakonskom februarskom roku upisano ukupno 104 učenika prvog razreda za školsku 2022/23. godinu, od toga 52 dječaka i 52 djevojčice
- b) Direktorica škole informira članove Školskog odbora da su u toku općinska takmičenja, te da od rezultata posebno izdvaja uspjeh učenika iz predmeta matematika gdje su se tri učenika Škole plasirali dalje na kantonalno takmičenje koje će se održati 17.03.2022. godine
- c) Direktorica škole ističe organizaciju Dana ružičastih majica – dan borbe protiv vršnjačkog nasilja, kao i angažman svih nastavnih i saradnika za realizaciju pomenute aktivnosti
- d) Direktorica škole naglašava nedostatak ljudskih resursa, odnosno adekvatnih stručnih zamjena prilikom odustva nastavnika, a u svrhu što bolje organizacije nastave
- e) Predsjednica Školskog odbora pohvalila rad Škole i nastavnika, te ističe da rad i sve prateće aktivnosti i projekte Škole redovno prati i nadležno ministarstvo
- f) gđin. Nusret Aganović obavjestio članove Školskog odbora o održanom sastanku u Općini Novo Sarajevo, na kojem je prisustvala i direktorica škole, a vezano za povrat prostorija škole u posjed škole. Škola se obratila sa zahtjevom za povrat posjeda prostorija u sklopu Škole Općinskom vijeću, odnosno predsjedavajućem općinskog vijeća
- g) Gđa. Samra Prašović je informirala članove Školskog odbora o realiziranoj humanitarnoj akciji od strane Vijeća roditelja za učenika Ridvana Šišića, a na kojoj je prikupljeno 6737, 00 KM.

Sjednica je završena u 19:00h.

Zapisničar

Sekretarka škole

Azra Đonlić

Predsjednica Školskog odbora

*Malkić Džanela*

Džanela Malkić, prof

## ZAKLJUČCI

1. Zapisnik sa konstituirajuće i 1. redovne sjednice Školskog odbora jednoglasno usvojen od strane svih članova Školskog odbora.
2. Članovi Školskog odbora jednoglasno usvajaju Izvještaj o popisu sredstava za 2021. godinu i donose Odluku o rashodu stalnih sredstava sitnog inventara za 2021. godinu
3. Članovi Školskog odbora jednoglasno usvajaju Izvještaj godišnjeg obračuna za 2021. godinu
4. Školski odbor jednoglasno donosi Odluku o usvajanju Budžeta Škole za 2022. godinu u iznosu od **2.414.352,00 KM**.
5. Školski odbor jednoglasno usvaja Plan javnih nabavki za 2022. Godinu
6. Članovi Školskog odbora na prijedlog sindikalne podružnice JU OŠ „HRASNO“ jednoglasno donose odluku o imenovanju Komisije za zbrinjavanje radnika ustanove za čijim radom je potpuno ili djelimično prestala potreba u ustanovi u sastavu: Amira Silajdžić, sindilani povjerenik podružnice JU OŠ „HRASNO“, Sead Mrzić – nastavnik matematike, i Lejla Zametica – bibliotekarka škole
7. Članovi Školskog odbora na prijedlog nastavničkog vijeća jednoglasno donose odluku o imenovanju Komisije za procjenu štete učinjene od učenika u sastavu: Samra Feriz – pedagog škole, Jasmin Đedović – nastavnik tehničke kulture, i Remzo Hadžiahmetović – domar škole
8. Članovi Školskog odbora na prijedlog nastavničkog vijeća jednoglasno donose odluku o imenovanju Dsiciplinske komisije za radnike u sljedećem sastavu: Oković Alma, nastavnica razredne nastave, Karšić Ćamil, nastavnik islamske vjeronauke, Suada Rahmanović, radnica na održavanju čistoće
9. Direktorica škole informira članove Školskog odbora da je u prvom zakonskom februarском roku upisano ukupno 104 učenika prvog razreda za školsku 2022/23. godinu, od toga 52 dječaka i 52 djevojčice

Zapisničar

Secretarka škole

Azra Đonlić

Predsjednica Školskog odbora

Malkić Džanela  
Džanela Malkić, prof.